



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Veri & Pii Sacerdotis Idea Seu Vita R. D. Iacobi  
Merlo-Horstii, Pastoris B. Mariæ Virginis In Pascvlo  
Coloniæ, SS. Theol. Licent.**

**Crombach, Hermann**

**Coloniæ, 1645**

Caput 30. Lucta cum daemone diuturna & victrix.

**urn:nbn:de:hbz:466:1-14591**

bus & domesticis suis? Si quis autem, ait  
Apostolus, suorum & maximè domestico-  
rum curam non habet, fidem negavit, & est  
infideli deterior. Itaque sicut fratres ad sta-  
tum Religiosum, sic hunc familiarem  
suum annis nouem ad Ecclesiasticum sta-  
tum imbuīt.

## C A P V T    XXX.

*Lucta cum Dæmone diuturna & victrix.*

**V**T coronaret Patriarcham Iacobum  
Deus, & nomen Israëlis imponeret,  
certamen forte dedit, ut vinceret, non oc-  
cumberet; luctatus enim cum Angelo vi-  
cit, & gratiâ cœlesti copiose donatus,  
deinceps nec Fratris iram, nec hominis  
pertimuit potentiam. Ita diuina maiestas  
etiam forte certamen cum Dæmone Iaco-  
bo nostro permisit, ut vinceret, & dein-  
ceps Deo nixus, nullam in Dei causâ me-  
tueret, hominis cuiusuis excellentiam.  
Non poterat humani generis hostis iura-  
tissimus ferre fructum, quem in lucran-  
dis animabus, & è seruitute Diabolica  
vindicandis Iacobus proferebat; ita saga-  
rum operâ maleficium illi sæpiùs intenta-  
uit, quod diuina clementia sic auertit qui-

F 5

dem,

dein , vt tamen permitteret virtutis exer-  
cendæ gratia Dæmoni potestatem , vt ter-  
gum vigilantis & sentientis ( quod Con-  
fessario nonnunquam retulit ) assiliret , &  
quasi calcibus premeret ; sic vt dolore  
non modico fatigaret , idque non domi-  
tantum , sed etiam alibi in templo , vel cùm  
Sacris operaretur : quamuis non expaue-  
sceret animo : sed leonina fortitudine di-  
uino fretus auxilio , ridere solitus paula-  
tim sit imbellis belluæ truces minas , vrge-  
re cum S. Antonio pergeret , tantum saui-  
re dentibus , ferocire calcibus , quantum  
Deus annueret , promptum ad vulnera  
dorsum offerebat . Et maleficarum qui-  
dem cogitatas & structas insidias Dæ-  
mon sacris carminibus adiuratus con-  
fessus est ; vt ipse his verbis adnotauit :

Anno 1627. 8. Februarij adfui energumena  
Magdalenæ ubi ex confessione Dæmonis intel-  
lexi , me quoque peti artibus malignis sagarum ,  
& aliquoties mihi intentatum maleficium  
a quadam postea de criminè magiæ conuicta  
plurimis indicijs , & publicè combusta . Sed

Deo semper ipsius conatus irritante , pro quo  
sit ipse benedictus in seculum , sensi quidem ego

longo tempore durante exorcisatione molestum

& in-

& infestum mihi Dæmonem : sed in ipso loco  
exorcizationis, & sub exorcismis tantum. Sed  
eidem molestiae alibi quoque postmodum obno-  
xius esse cœpi , primùm quidem in templo ;  
deinde quoque domi meæ , primùm quidem  
28. Ianuarij sensi me tentari insidijs Dæmo-  
nus sub vespertinis precibus , à quo tempore  
hucusque nullus dies cessit immunis ab illis ve-  
xationibus externis , partim sub sacro Missæ  
officio partim ante Reliquias SS. Regum , ma-  
xime verò sub nocte. Diabolus quidem die o-  
ctauo Februarij confessus est , vt suprà ex pæ-  
cto Sagæ , Dæmonem in me immittendum  
fuisse : sed Deum obstitisse , hoc tamen per-  
mississe , vt aliquamdiu tentarer. O quam  
bonus & fidelis Deus , qui non patitur ho-  
minem tentari supra id , quod potest , sed  
facit etiam cum tentatione prouentum. Vt  
verò se melius contra tantas hostis tar-  
tarei insidias communiret , illam ca-  
strorum aciem ordinatam Dei Genitri-  
cemi Mariam voto peculiari delegit hu-  
ius belli Ducem , & eius rei gratiâ ne ta-  
li in prælio succumberet, Aspricollensem Vouit peregrinati  
onē Aspri  
vouit peregrinationem , vt ipse litteris  
consignauit : 5. Februarij feci votum Deo collensem  
& B. Virginis Patronæ nostræ de instituenda

F 6

pere-

Idea p̄ij Sacerdotis  
peregrinatione ad templum & locum D. Vir-  
gini sacrum in Monte acuto , prima occasione,  
qua id per vires , & Parochia curam , & via  
opportunity licebit, vtinam Deus per Bea-  
tissimam Matrem suam conterat etiamnum  
caput Serpentis antiqui , ne suis insidijs aut  
mibi , aut vlli Christiano perniciem seu cor-  
poris seu animi adferat.

Circa Annum 1637. vel sequentem  
votiuam fœliciter confecit peregrinatio-  
nem, & in reditu Marcoduri secessu octi-  
duano mentem exercitijs asceticis S. Igná-  
tij diligenter expoliuit , factus ad pu-  
gnam vegetior & animosior , vt hostem  
ultrò lacefferet diuino Numine confir-  
matus, &c.

### C A P V T XXXI.

*Amor & fiducia in Deum , eiusq; cum diuina  
voluntate conformatio.*

**A**mor à puerō mentem à rerum crea-  
tum amore traduxerat, ad Deum sum-  
*Amor dei* mum bonum suum medullitus comple-  
ctendum : & quidquid illi Maiestati no-  
uerat placere, statui suo conforme virili-  
ter exequendum. Hinc vti castitatem vo-  
to consecrarat, ita paratus, vigilans, com-  
posi-